

佛學大辭典

7



240.3
S1032

【光明寺】（寺名）唐善導念佛口放

光明、高宗皇帝於善導死後賜光明之寺額。見新修往生傳中。

【光明大師】（人名）善導死後、賜光

明之寺額、自此尊師爲光明大師、光明和尚等。

【光明童子經】（經名）光明童子因

緣經之略名。

【光明童子因緣經】（經名）佛說光

明童子因緣經、四卷、宋施護譯。說王舍城善賢長者之息、光明童子、依佛之證言、在火中不死、遂成長、出家證果。

【光明經】（經名）金光明經之略稱。

【光明玄】（書名）金光明玄義之畧

名。智者大師說。

【光明文句】（書名）金光明經文句

之略名。智者大師說。

【光明疏】（書名）謂光明大師善導

之觀經疏也。四卷。

【光明名號因緣】（術語）阿彌陀佛

以光明與名號之因與緣、普救衆生。衆生得往生彌陀之報土者、由於與以名號之因。其所以得名號之因者、由於名之計量。名號爲能生之因、如父。光明爲所生之緣、如母。名號與光明、乃衆生往生淨土之他力因緣也。信心爲內因、故光明與名號爲外緣。又信心爲衆生心內所發之涅槃真因、而光明名號、乃自如來使外計量而起信心之因緣也。

【光音天】（界名）新稱極光淨天。舊

稱光音天。色界第二禪之終天也。此天絕音聲、欲語時、自口發淨光而爲言語之要、故名光音。大火災破壞至色界之初禪天時、下界之衆生盡集此天處、待世界再成後、至成劫之初、自此起金色之雲而注大洪雨、以造初禪天以下至地獄之世界、待世界已成、此天衆之福薄者漸漸下生、乃至至地獄界盡

見衆生。（此就大火災言耳、若大水災大風災時、此天處亦破壞、故猶於其上之天處爲此事。）爲胎藏界曼陀羅外金剛院之一衆、出此天之衆生。玄應音義三曰、「阿波會二天。Abhayaas 此云光音天。亦言極光淨天。第二禪第三天也。」經律異相一曰、「光音天。依品云光曜天。語言口出淨光無邊。」名義集二曰、「光音。口絕言音。光當語故。」佛祖統紀三十一曰、「光音天無覺觀語言。以光當語。又此天語時口出淨光。」

【光音天下生人間】（傳說）增一阿

含經三十三曰、「劫初光音天。相謂我等欲至閻浮提地。卽來下地食地肥故。失神足。皆共號呪。自相謂言。我等窮厄。不能復還天上。」經律異相一曰、「天地更始。盪盪空虛。了無所有。亦無日月。地涌甘泉。味如蘇蜜。時光音諸天。或有福盡來生。或樂觀新地。性多輕躁。以指嘗之。如是再三。轉得其味。食之不已。」

漸生羸肌。失天妙色神足光明。」文句下四

曰、「劫初光音天墮地。地使有欲。」同記五

上曰、「光音等者。且寄火後。火災但壞初禪

故也。故初成時。此天初下。卽第二禪初天。」

同私記四末曰、「光音第二禪初天者。應云

終天。或從上數之耳。」

【光音三天】（名數）第二禪有三天、

一少光、二無量光、三光音、或通三天而云光

音。經律異相一曰、「二禪通名光音。」

【光帝】（人名）後唐莊宗、以年號爲

同光而云光帝。祖庭事苑一曰、「同光帝卽

五代莊宗。同光卽莊宗時年號也。」

【光帝幃頭】（公案）同光帝謂興化

存獎禪師曰、「寡人收得中原一寶。只是無

人酬價。」化曰、「借陛下寶看。」帝以兩手引

幃頭脚。化曰、「君王之寶。誰敢酬價。」見從

容錄六。

【光降】（雜語）尊者來臨也。勅修清

規曰、「伏望慈悲。特垂光降。」

【光記】（書名）唐普光法師著。有俱

舍論記三十卷。性相學者。單稱光記。

【光座】（雜名）又作光趺。佛之後光

與臺座也。陀羅尼集經十一曰、「功德天像

身長一肘一尺三寸五分。除其光座。」

【光毫】（術語）佛眉間白毫有光明

故云光毫。三十二相之一。法華經序品曰、「

爾時佛放眉間白毫相光。照東方萬八千世

界。靡不周徧。」觀佛三昧經曰、「時佛眉間。

卽放白毫大人相光。其光分爲八萬四千支。

」

【光趺】（雜名）光者後光。趺者臺座。

又云光座。

【光統】（人名）北齊鄴城大覺寺慧

光律師。地論之宗匠也。入鄴而任國統之官。

故呼爲光統。見唐僧傳二十一。魏朝勸那三

藏及菩提流支於洛陽各出十地論一本。光

統律師自解梵本使兩三藏對於魏主宣武

帝和會而合成一本十二卷。見探玄記一。

【光雲】（譬喻）佛光被於一切。譬之

垂天之雲。讚阿彌陀佛偈曰、「光雲無礙。」

【光靴】（雜語）謂參禪清苦。道業修

治完美也。傳燈錄十一。徑山洪諲條曰、「一

毫穿衆穴時如何。師曰。光靴者任汝光靴。」

卽其例也。

【光菩薩真言】（真言）稱光明真言

也。

【光瑞】（雜名）佛將說妙法。現種種

之祥瑞。其中多放光而照衆機之瑞。是云光

瑞。法華經序品曰、「我見燈明佛本光瑞如

此。」無量壽如來會曰、「世尊。我見如來光

瑞希有。」

【光網童子】（菩薩）惹哩寧鉢囉婆

俱摩羅。Jaliniṣṭhābhakumārā 文殊院二十

五尊之一。爲文殊八大童子之一。大日經一

曰、「光網童子身。執持衆寶網。種種妙瓔珞。住寶蓮華座。而觀佛長子。」同疏五曰、「文殊北邊當畫光網童子菩薩。身真金色。執持寶網。以種種瓔珞莊嚴。坐寶蓮華中。文殊持無相之妙慧。而光網持萬德莊嚴。如智度論所說。以鹽調和諸食。倍增其味。而不可空噉。故行人失般若方便。單修空慧。則墮斷滅中。純修福德。則墮有所得中。所以觀佛長子者。意在此也。」

【光網童子印明】（印相）以左手作拳申頭指。稍屈第三節。如鉤形。立大指而押之。是鉤印也。眞言曰。歸命係係俱摩囉摩耶揭多。

【光網菩薩種子】（種子）ㄣ（髻）或ㄣ（惹）不可得之義。此光網以生不可得之故名常寂光。此光非色非心。而具種種不思議之色。一一皆徧法界。而同於大空。見義釋七。

【光聚】（雜名）稱南方之摩尼部。瑜祇經曰、「此人如金剛。諸惡不能壞。此身如光聚。能破三界冥。」

【光聚佛頂】（術語）五佛頂之一。見佛頂尊條附錄五佛頂項。

【光臺】（雜名）由光明而成之金臺。觀無量壽經曰、「爾時。世尊放眉間光。其光金色。徧照十方無量世界。還住佛頂。化爲金臺。如須彌山。十方法佛淨妙國土。皆於中現。」

【光輪】（雜名）輪者圓滿之義。又佛之光明有碾摧衆生煩惱之用。故譬之曰輪。讚阿彌陀佛偈曰、「解脫光輪無限齊。」

【光像】（雜名）光明赫爍之佛像也。寄歸傳四曰、「大竿可爲瞻部光像處懸幡之竿。」（瞻部者閻浮檀金也。）

【光燄】（譬喻）火燃爲燄。佛之威神。譬之光明之耀。讚阿彌陀佛偈曰、「一蒙光焰罪垢除。」無量壽經上曰、「無量光燄照耀無極。」

【光燄王佛】（佛名）阿彌陀佛之德名。讚阿彌陀佛偈曰、「佛光照耀最第一。故佛又號光燄王。三塗黑闇蒙光啓。」無量壽經上曰、「燄王光佛。」

【光融】（雜語）耀法而弘之也。無量壽經上曰、「光融佛法。宣流正化。」

【光曉】（術語）曉者明也。光曉者如言光明。佛放智慧之光明。破一切衆生之昏闇。猶如曉天之日輪也。讚阿彌陀佛偈曰、「有量諸相蒙光曉。」

【光顏】（雜語）佛之顏有光。故云光顏。無量壽經上曰、「光顏巍巍如明淨鏡。」

【光寶】（人名）唐大慈恩寺普光及大慈恩寺法寶。皆玄奘之高足。各釋俱舍論世兩美之。宋僧傳四（法寶傳）曰、「時光寶二師。若什門融叙焉。」

【光寶二記】（書名）普光師先作俱

舍論記三十卷。法寶師後著俱舍論疏三十卷。各異所見。探索俱舍。學者稱爲光寶二記。必玩味之。

【光顯】（雜語）光耀也。止觀五下曰：「法不自顯。弘之在人。人能行。法門光顯。使無生教縱橫無礙觸處皆通。」

【光觸】（術語）爲光明所照觸之意。卽謂佛之光明照被。親觸行者之身也。讚阿彌陀佛偈所謂「蒙光觸者離有無」。往生禮讚所謂「蒙光觸者心不退」。是也。

【光讚經】（經名）光讚般若波羅蜜經之畧稱。

【光讚般若】（經名）光讚般若波羅蜜經之畧稱。

【光讚般若波羅蜜經】（經名）十卷。晉竺法護譯。佛自舌根放光照三千世界。光中生蓮華。華上諸佛出現。稱讚此般若。故云光讚般若。大般若經第二會之別譯也。

【劣智】（術語）下劣之智慧也。佛地論一曰：「恐餘劣智未能通。」

【劣應身】（術語）台家分三身中之報身爲自受用。他受用。他受用之報身名爲勝應身。卽對於初地以上之菩薩而應現之尊特舍那身也。又是真應二身中之應身也。又對於地前之凡夫二乘而應現之丈六佛身曰劣應身。爲八相成道之佛身。法報應三身中之應身也。四教儀曰：「示從兜率降下。託摩耶胎住胎。出胎。納妃。生子。出家。苦行六年。已後於菩提樹下以草爲座。成劣應身。」

同集註上曰：「劣應對大乘勝應判爲劣也。」參照三身條。

【劣應生身】（術語）小乘教之意。雖佛亦爲實業所生之身。故云生身。劣應者對於大乘之勝應身而言。四教儀集註上曰：「丈六劣應生身。見前項。」

【戊陀】（雜名）又作戊達。戊陀羅之略。

【戊陀羅】（雜名）Śeṭṭha 又作戊捺羅。戊怛羅。四姓之一。農人也。西域記二曰：「戊陀羅。舊曰首陀。訛也。農人也。」

略。

【戊陀戰達羅】（人名）Buddhacanda 譯曰淨月。唯識十大論師之一。

【戊縷多】（雜名）見述嚧怛羅條。

【戊迦羅博乞史】（雜名）Pukkasādi 戊迦羅者。白博乞史者。分。卽白分。陰曆一日至十五日之前半月也。

【戊輪聿提】（雜語）Buddhyanti 譯曰清淨。見華嚴疏鈔十四。

【戊縛迦尊者】（羅漢）十六羅漢之一。見羅漢條附錄。

【戊婆揭羅僧訶】（人名）Bubhaka-rasita 譯曰淨師子。義翻曰善無畏。見善無畏條。

【旭師】（人名）明滿益大師。名智旭。

此為試讀，需要完整PDF請訪問：www.ertongbook.com

故云旭師。見智旭條。

【兆載永劫】（術語）兆載者數量名。

永劫者，曆兆載之劫數。故云永極長之一時期。謂之劫。梵語也。無量壽經上曰：「於不可思議兆載永劫，積植菩薩無量德行。」

【年忌】（術語）人亡後三年等修佛事，追薦其人謂之年忌。又云年迴。蓋佛教弔祭亡者止於中陰七七日也。（大灌頂經梵網經等）故支那稱為累七齋，又稱七七齋。

每七日修齋會也。（釋氏要覽下）然百日已後之佛事，於佛教無本據。其中百日與一周忌三年忌，依支那之儒禮也。百日即儒之卒哭，一周忌者小祥，三年忌者大祥也。釋門正統曰：「若百日與大小祥之類，皆託儒禮因修出世法耳。」

【年戒】（術語）年者生年，戒者戒臘也。受戒已後之年數，謂之戒臘。

【年星】（術語）人人之當年星也。若

其星爲他所侵，則其人蒙災害云。密教有禳之之法，俗謂之星祭。見星祭條。

【年滿受具】（術語）年滿二十受比丘之具足戒也。二十歲下不許。隨機羯磨曰：「律本年滿二十者，能耐寒熱風雨飢渴持戒一念七十歲已下有所堪能，是丈夫位。」

【年臘】（術語）僧年曰臘。故稱年歲曰年臘。白居易送文暢上人詩曰：「貌依年臘老。」

【朱利】（植物）草名。譯曰賊草。智度論十二曰：「如有一草名朱利。秦言賊。」華亦不盜不劫實非賊而名爲賊。」梵 *Cauri*

【朱羅波梨迦羅】（衣服）衣名。譯曰雜碎衣。見善見律十四。

【先世】（術語）同前世。過去世也。

【先世資糧】（術語）見資糧條附錄四種資糧項。

【先生】（術語）同前生。前世也。

【先尼】（人名）*Centika* 又作西爾迦。

靈尼。外道名。譯曰有軍。勝軍。玄應音義二十三日：「西爾迦。此云有軍。外道名也。舊云先尼訛也。」可洪音義十一上曰：「西尼亦云先尼。梵志名。唐云勝軍。」楞嚴經十曰：「靈尼。」涅槃經二十九曰：「爾時衆中有梵志名先尼。復作是念。瞿曇有我耶。如來默然。」

【先陀】（雜語）先陀婆 *bandhava*

之略。涅槃經九曰：「先陀婆者一名四實。一者鹽。二者器。三者水。四者馬。如是四法皆同其名。有智之臣善知此名。若王洗時，索先陀婆即便奉水。若王食時，索先陀婆即便奉鹽。若王食已，將欲飲漿，索先陀婆即便奉器。若王欲遊索先陀婆即便奉馬。如是智臣善解大臣四種密語。」

【先陀婆】（雜語）譯曰鹽。見上條。

【先陀客】（雜語）名利智聰明之人。所謂解先陀婆密語之人也。法華經科註八

曰、「世有天機高妙領宮在前號先陀客。」

【先哲】（雜語）在我先之賢哲也。梁

僧傳（僧祐傳）曰、「大精律部有邁先哲。」慈

恩傳九曰、「盡先哲之多能。」

【先陳】（術語）因明之語。宗法中有

法之言也。以必先陳有法而後說法故也。

【先達】（雜名）尊高德之稱。謂比我

先達於道者。法華文句九上曰、「彼諸大士

是先進先達。」梁僧傳序曰、「博諮故老。廣

訪先達。」

【先業】（術語）前世之業因。

【先鉢經】（經名）大乘瑜伽金剛性

海曼殊室利千臂千鉢大教王經之略名。

【先照高山】（譬喻）佛出世先說華

嚴經。蒙大乘之機。譬如日出先照高山也。止

觀一曰、「華嚴曰。譬如日出先照高山。次照

幽谷。次照平地。平地不定也。幽谷漸也。高山

頓也。」（是以天台宗之意略抄經意之文

也。）

【先德】（雜語）先達之有德者。慈恩

傳一曰、「後復北遊。詢求先德。」釋籤起序曰

「先德既詳。」

【先輩】（術語）謂先進先達之人。臨

濟錄曰、「自古先輩到處人不信。被遞出。始

知是貴。」

【舌舌】（術語）諷誦經偈。欲其句調

之速。而省略文字音聲也。如南無阿彌陀佛

誦爲南無佛是。

【舌相】（術語）佛舌有廣長之相也。

三十二相之一。是表不妄語也。見廣長輪相

條。

【舌根】（術語）六根之一。舌爲知味

發言之根本。故云舌根。義林草三本曰、「舌

者。能嘗能呪。能除飢渴義。梵云時乞縛。此云

能嘗。除飢渴故。（中畧）翻爲舌者義相當故。

「梵語雜名曰「舌爾賀縛。」

【舌識】（術語）六識之一。依舌根而

發了別味境者。

【舌不爛】（故事）鳩摩羅什卒於長

安。姚興於逍遙園。依外國法。以火焚尸。薪滅

形碎。惟舌不爛。見晉書。

【竹杖外道】（流派）同執杖梵志。

【竹林精舍】（堂塔）梵名 Venuvana

天竺五精舍之一。迦蘭陀竹林之精舍也。在

王舍城之傍。迦蘭陀長者歸佛以竹園奉佛

而立精舍。是爲印度僧園之嚆矢。見迦蘭陀

條。

【竹庵】（人名）四明尊者四世秀州

當湖之解空尊者。名可觀。號竹庵。見可觀條。

【竹園】（堂塔）竹林精舍也。智度論

十一曰、「佛度迦葉兄弟千人。次遊諸國到

王舍城頓止竹園。」

【竹園伽藍】（堂塔）竹林精舍也。

【竹葦】（譬喻）譬數之多也。維摩經

法供養品曰、「三千大千世界如來滿中。譬如竹葦稻麻叢林。」

【竹篋】（物名）又作竹篋子。涅槃經謂之金錘。爲點眼藥之具。見金錘條。

【有】（術語）（一）對於無或空而言。此有實有假有妙有等之別。如三世實有者。實有也。因緣依他之法者。假有也。圓成實性者。妙有也。（二）十二因緣之一。爲造可牽當來果之業之位。卽業能有當果之意。是因之名也。又曰有支。若約於分位之十二因緣。則當於壯年以後。（三）果之名。因果不亡之義。如三有、二十五有、及四有等。（四）色界無色界之定及依身也。外道執之。以爲解脫。故遮遣之。而特謂之有。有者生死相續之義。顯非真滅之意也。上二界之貪。謂之有貪。上二界之漏。謂之有漏（三漏之一）者。卽由此意。

【三有】（名數）三界之異名也。生死之境界。有因有果。謂之有。三有者。三界之生死也。一欲有。欲界之生死也。二色有。色界之生死也。三無色有。無色界之生死也。新譯仁王經中曰、「三有業果。一切皆空。」智度論一曰、「三有愛着心。」頌疏界品一曰、「名三有者。欲有色有無色有。」遁隣記一曰、「言三有者。卽三界之異名。」因一本有。現生之身心。二當有。未來之身心。三中有。本有與當有中間所受之身心。欲界色界之生死。必有中有。

【四有】（名數）一生有。於諸趣結生之一刹那也。二本有。除生有之一刹那。死有一刹那前之餘位也。三死有。爲最後之一刹那。而中有之前也。四中有。死有與生有中間生起之身心也。欲界色界之有情皆具四有。見俱舍論九。

【七有】（名數）又云七生。人界之七生與欲天之七生。合而云七有。故開之則爲十四生。而各有中有生有。故爲二十八有。預

流果之聖者。欲界九品之修惑祇潤生七有。卽二十八生。更不受第八有（卽二十九有）見潤生條。因一地獄有。二傍生有。卽畜生也。三餓鬼有。四天有。五人有。六業有。七中有。是數五趣之果（初分）與其因（第六）及五趣之方便也。見長阿含十報法經。

【八有】（名數）欲界之第八有也。如云後之二十九有。是於預流果以上之人無法也。正理論六十一曰、「有謂第八有。」見七有條。

【九有】（名數）又云九居。三界中有情樂住之地處有九所。名曰九有情居。又云九衆生居。略云九有。又云九居。一欲界之人與六天。二初禪天。三二禪天。四三禪天。五四禪天中之無想天。六空處。七識處。八無所有處。九非想非非想處。（此中除無想非想名七識住）俱舍論八曰、「前七識住及第一有無想有情。是名爲九。諸有情類唯於此九欣

樂住故。立有情居。餘處皆非。不樂住故。」大乘義章八末曰、「此之九處。衆生樂住名衆生居。」增一阿含經有九衆生居品。寄歸傳一曰、「創成正覺龍河。九有興出塵之望。」

【十八有】（名數）十八空所破十八種之妄執謂之十八有。止觀三之一曰、「破十八有云十八空。」

【二十五有】（名數）開三界爲二十五有。欲界有十四有。四惡趣四洲六欲天也。色界有七有。四禪天及初禪中之大梵天。並第四禪中之淨居天與無想天也。無色界有四有。四空處是也。通三界而有二十五之果報。名二十五有。輔行二曰、「二十五有。總爲頌曰。四域（卽四洲）四惡趣。六欲並梵王。四禪四無色。無想五那舍（卽淨居天）。」涅槃經四曰、「二十五有。如首楞嚴經中廣說。」

【二十八有】（名數）又云二十八生。欲界九品潤二十八性之謂也。

【二十九有】（名數）如言六陰十三入十九界。謂事物之絕無也。初果聖者以二十八有爲極度。無第二十九有。十住毘婆沙論一曰、「人得須陀洹道（卽初果）善閉三惡道門。見法入法得法。住堅牢法不可傾動。究竟至涅槃。斷見諦所斷法故。心大歡喜。設使睡眠懶惰不至二十九有。」

【有一人】（公案）謂寂然不動自證獨悟之佛也。與趙州所謂屋裏之眞佛同。圓智禪師問石霜和尚曰、「有一人無出入息。速道將來。」霜曰、「不道。」圓曰、「因何不道。」霜曰、「不將來。又問魯祖。出息不涉衆緣。入息不居陰界。住此意時如何。」祖曰、「有一人無出入氣息。」

【有上士】（術語）等覺之菩薩也。四教義十曰、「問曰。爲定用金剛智斷無明。爲用妙覺智斷無明耶。」答曰、「涅槃經云。有所斷者。名有上士。無所斷者。名無上士。」

【有支】（術語）十二支之一。唯識述

記八本曰、「有謂三有。支者因義。今義卽三有。因生善惡趣差別因也。」見十二因緣條。

【有支習氣】（術語）三種習氣之一。謂爲三有因之熏習氣分。能招三界異熟果法之業種也。有二種。一招人天之善果者。二招三惡趣非愛之果者。成唯識論八曰、「有支習氣。謂招三界異熟業種。有支有二。一有漏善。卽是能招可愛業。二諸不善。卽是能招非愛果業。隨二有支所熏成種。令異熟果善惡趣別。」

【有手】（雜名）Hastin 象之別名。百論疏上之下曰、「象有七肢。以手勝故。從勝受名。爲有手。故外國人呼象以爲有手。婆沙云。佛經說信是象手。如象手能取衆生數非衆生數物。信能取善法。故知外國道俗。通名象爲有手。」

【有心位】（術語）謂心王起時。對於無心位而言。小乘薩婆多部不許二心並起。

故不論六識中何者動作時名為有心位。大乘許八識俱起。七八二識恒相續而不停。故不論有無。又前五識必伴第六識而起。故唯就第六識之起不起而論有心無心。見成唯識論七。

【有主物】（術語）謂有主之財物也。略有四種。一三寶之物。二人之物。三鬼神之物。四畜類之物。取此等有主物。則成盜罪。見行事鈔中。資持記中之一四。

【有分別】（術語）有分別作用之意。對於無分別而言。六識中眼等五識。唯有尋伺相應之自性分別。故俱舍論二。名之為無分別。第六意識。並具散慧相應之計度分別。及定散諸念之隨念分別。能分別所緣之境。故名之為有分別。成唯識論七亦曰。「於彼所緣能明了取。異於眼等識。故非無用。由此聖教說彼意識名有分別。」又對於無分別正體智而名其餘後得等智為有分別。即緣

境分別種種之差別智也。

【有分識】（術語）阿賴耶識之異名。了義燈四本曰。「上座部分別說部。立為有分識。」

【有句】（術語）就有無之義立四句而分別之時。第一句曰。「有而非無」。是有句也。第二句曰。「無而非有」。是無句也。第三句曰。「亦有亦無」。是雙亦句也。第四句曰。「非有非無」。是雙非句也。

【有名無實】（術語）唯有假名而無實體之意。即世俗之法。皆為因緣假成。如瓶車等。唯有名而無其實體也。涅槃經十三有曰。「有名無實者。如我衆生。乃至旋火輪及名句等五種世法。是名世諦。」

【有因論】（術語）立有實因而生實果是一種之邪見。謂之有因論。佛教由無生之本義破此有因論。四卷楞伽經四曰。「野馬健闍婆。世間種種事。無因而相現。折伏有

因論。申暢無生義。申暢無生者。法流永不斷。」

【有因無果】（術語）外道四執之一。見四執條。

【有色】（術語）欲界與色界之有情有色身者。金剛經曰。「若有色。若無色。」天台之疏曰。有色即欲色二界。無色即空處。長水之判定記四曰。「有色即以色為身。無色即以四蘊為身。」

【有色天】（界名）色界之諸天也。

【有見】（術語）執着於有之邪見。又云常見。智度論七曰。有二種見。有見無見。法華經方便品曰。「入邪見稠林。若有若空等。依止此諸見。具足六十二。」法華經義疏四曰。「智度論云。愛多者着有。故起有見。見多者着無。故起無見。又云。四見多者着有。邪見多者着無也。」法華玄贊四曰。「若有者執我後身為有。常見也。若無者執我後身為

無。無見也。」

【有見】（術語）執着於有之邪見。又云常見。智度論七曰。有二種見。有見無見。法華經方便品曰。「入邪見稠林。若有若空等。依止此諸見。具足六十二。」法華經義疏四曰。「智度論云。愛多者着有。故起有見。見多者着無。故起無見。又云。四見多者着有。邪見多者着無也。」法華玄贊四曰。「若有者執我後身為有。常見也。若無者執我後身為

無。無見也。」

【有見】（術語）執着於有之邪見。又云常見。智度論七曰。有二種見。有見無見。法華經方便品曰。「入邪見稠林。若有若空等。依止此諸見。具足六十二。」法華經義疏四曰。「智度論云。愛多者着有。故起有見。見多者着無。故起無見。又云。四見多者着有。邪見多者着無也。」法華玄贊四曰。「若有者執我後身為有。常見也。若無者執我後身為

無。無見也。」

無斷見也。」因就十八界而分別有見無見。唯色界之一爲有見，他皆無見也。顯色形色二者，由在彼在此之差別不同，而能示現彼此之言說，言說名見，有彼之言說，故名有見。又見者眼觀照根色，故名爲見，色眼有見，故名有見。見俱舍論二梵 *Sanidar'sana*。

【有身】（術語）有六根之身相者。臨濟錄曰：「有身非覺體，無相乃真形。」

【有作】（術語）對無作之語。與有相同。傳通記雜鈔五曰：「舊譯經論云有作無作。新譯經論云安立非安立。安立者有作義也。非安立者無作義也。」因有作者猶言有爲，謂因緣所生之法也。

【有法】（術語）對無法之語。如龜毛兔角體性都無者，謂之無法，如他之事物體用非無者，謂之有法。涅槃經十曰：「本有今無，本無今有，三世有法，無有是處。」因於因明宗之前句，名爲有法，後句名爲法，即前句

有後句之法之義。例如聲（是有法）無常（是法），合二者而名爲宗。因明大疏上本曰：「初所陳唯具一義，能持自體，義不殊勝，不得法名。後之所陳具足兩義，能持復軌，義殊勝，故獨得法名。前之所陳，能有後法，復名有法。」

【有法自相相違因】（術語）四相違之第三。有法者，宗之前名辭，自相者，於其前名辭發表之事件，相違者，反對之意。即謂立者所設之因，望其宗之前名辭時，缺因之後二相，故不爲成立。其前名辭發表之事件之因，而反爲可打消之之理由，遂至敵者即用其因，成立反對之宗者，見因明入正理論等。

之因，於宜關係之同品不關係，反關係於不應關係之異品，缺因之後二相，敵者因之却爲無過之因，是即有法差別相違因也。亦見因明入正理論等。

【有法空】（術語）見空條。

【有法意許】（術語）宗之前名辭所用之語爲立敵共許，然以狡黠之手段，秘有別種之意見者，四相違中，有法自相相違因與有法差別相違，敵者看破有法意許，即以立者自身之因喻破立者，立者之過誤也。

【有空】（術語）森羅萬象歷然謂之有，其實體空虛謂之空。

【有空不二】（術語）謂有相爲空性，而空性亦爲有相也。般若心經曰：「色即是空，空即是色。」維摩經入不二法門品曰：「色色空爲二，色即是空，非色滅空，色性自空，如是受想行識識空爲二，識即是空，非識滅空，識性自空，於其中而通達者，是爲入不二

法門。

【有空中三時】（術語）法相宗分佛

一代之教法爲有空中之三教。謂佛最初爲破凡夫外道之我執，說阿含經等，示法有我無之理；次爲破彼法執，說般若經等，示諸法皆空之理；終爲破有空之二執，說解深密經等，示非空非有中道之理。此爲大乘之至誠。依之而言初時之說爲有教，第二時爲空教，第三時爲中道教。見唯識述記一本了義燈一本。

【有所得】（術語）執着之心。分別之

心也。智度論六十曰：「有所得者，所謂以我心於諸法中取相故。」同八十三曰：「諸有二者是有所得。無有二者是無所得。」佛藏經一曰：「有所得者，說有我人壽者命者。」探要記十曰：「愛執卽生。名有所得。若執有相是增益執。亦名常見。若執無相是損減執。亦名斷見。」涅槃經十七曰：「無所得者則

名爲慧（中畧）名大涅槃。」三論玄義曰：「有所得者爲魔眷屬。非佛弟子。」

【有所得心】（術語）唐譯仁王經上

曰：「法相如是。有所得心無所得心。皆不可得。」良賁疏中二曰：「有所得者。取相之心也。無所得心者。無分別智也。」

【有所緣】（術語）心識謂之有所緣

心識以外之物謂之無所緣。所緣者如眼識之於色，耳識之於聲，心識攀緣寄託之境界也。總之心識必有此所緣，故名有所緣。俱舍論二曰：「六識意界及法界攝諸心所法。名有所緣。能取境故。」

【有表色】（術語）卽有表業也。

【有表業】（術語）身口意之三業。有

有表業無表業二種。又云有表色無表色。見業條。

【有性】（術語）有出離解脫之性。謂

之有性。無佛性謂之無性。卽闡提也。圓覺經

曰：「地獄天宮皆爲淨土。有性無性齊成佛道。」圭峰之略疏下一曰：「有性者三乘性也。無性者闡提性也。非爲他日迴心。現已齊成佛道。」

【有門】（術語）四門之一。見四門條。

【有事】（術語）有爲法之異名。俱舍

論一曰：「諸有爲法。謂色等五蘊。亦世路言依。有離有事等。」頤疏曰：「有事者。事是因義。有爲有因故。名爲有事。」

【有相】（術語）對於無相之語。有造

作之相者。有虛假之相者。大日經疏一曰：「可見可現之法。卽爲有相。凡有相者。皆是虛妄。」

【有相業】（術語）如信有淨土而念

佛。求往生。是有相之作業也。往生要集下末曰：「有相業。謂或觀相好。或念名號。徧厭穢土。專求淨土。」

【有相教】（術語）佛成道後十二年

間、說阿含經、謂之有相教。此因阿含經以諸法實有之理爲本故也。見華嚴經疏一、三藏法數十。

【有相宗】（術語）選擇集本呼法相宗爲有相宗、對於所謂無相宗之三論宗而言。曰「且如有相宗、立三時教、而判一代理教」在彼大乘、以心外之境爲無、心內之法爲有故也。

【有相安樂行】（術語）法華經安樂行品分別末世之道俗安樂修行法華之法爲身、口、意、誓願之四種而明之。南岳大師就此安樂行而立有相無相之二門、入定觀念爲無相安樂行、散心念誦爲有相安樂行。萬善同歸集二曰、「南岳法華懺云、六根性清淨菩薩學法華具足二種行、一有相行、二無相行。無相安樂行、甚深妙禪定、觀察六情根有相安樂行、此依勸發品、散心誦法華、不入禪三昧、坐立行一心念法華文字、行若成就者、即見普賢身。」勸發品具名普賢菩薩勸發品、在法華經最末、勸散心念誦者、南岳之法華懺今不傳、故引萬善同歸集。

【有相無相】（術語）密教就有相無相有淺略深秘之二釋。言其淺略之義、則凡夫所知色心之諸法、事相顯了、心前現行、易了易知、謂之有相。諸法之體性、如幻虛偽、自性即空、無色無形、不存一相、謂之無相。言其深秘之釋、則有相者、一切之法、各各之相、分明而住、無相者、一相之中具一切之相、而一相不留、具一切之相而無一相、故云無相、非爲非色非形也。台宗圓教之圓空、妙空、畢竟空、第一空、與此第二釋同。大日經供養法曰、「甚深無相法、劣慧所不解、爲應彼等故、在有相說。」要略念誦經曰、「相無相甚深、少智所不能入、依無相說相、攝彼二種人。」凡密教之三本尊三密等皆有此有相無相之淺深二重也。彼宗以無相一概爲顯教之淺

義者、顯密相對一往之義也。若於自宗言之、則尙以無相爲深義、依此所引之經文可知。

【有待】（術語）謂人身爲待食物衣服等之資而立者。止觀四上曰、「有待之身必假資籍。」南山之戒疏四上曰、「有待之形假資方就。」行宗記二上曰、「身名有待必假資緣。」梁僧傳、道安傳曰、「捐米千斛、彌覺有待爲煩。」案、有待之字、本於莊子逍遙遊之「猶有所待者也」句。

【有待轉變】（術語）有待之身可以轉變也。

【有待不定】（術語）有待之身、無常也。

【有耶無耶】（雜語）心馳於有無二邊而猶豫不決定也。多以名屬於欲界修所斷之無覆無記邪行相之智、亦有以爲狐疑之相而用之者。

【有界】（術語）有世界之略。總欲界、

色界、無色界之三界而名爲有之世界。

【有後生死】（術語）七種生死之一。

見生死條附錄。

【有情】（術語）*Sattva* 梵語曰薩埵。

舊譯曰衆生。新譯曰有情。有情識者、有愛情者、總名動物。唯識述記一本曰、「梵言薩埵。」

此言有情、有情識故（中畧）又情者愛也。能有愛生故（中畧）言衆生者、不善理也。草木

衆生。」大日經疏十七曰、「有情者梵音索

哆。是着義。又名薩埵。是有情義。」

【有情數】（術語）非有情數之對。謂

攝於有情之類者。毘婆沙論十三於有執受

之有情數（有感覺之有情數）無執受之有

情數（無感覺之有情如化人）外舉有情數

大種因、非有情數大種因、婆沙論百三十八

由品類足、識身足之二者、解有執受、以有情

數與有根及異熟生之三語爲同義。

【有情居】（術語）有情所好居住之

處、謂之有情居。有九所、稱爲九有情居。俱舍

論八曰、「前七識住。及第一有。無想有情。是

名爲九。諸有情類。唯於此九欣樂住故。立有

情居。」

【有情世間】（界名）二世間之一。見

世間條。

【有情緣慈】（術語）見苦有情而起

慈悲也。三種緣慈之一。

【有財】（雜語）*Daṇḍa* 有財物也。

【有財餓鬼】（異類）餓鬼有三種。一

無財餓鬼。畢竟不能食者。二小財餓鬼。食膿

血等者。三多財餓鬼。能得人遺落之食及祭

饗之食者。三界義說之。指後二者爲有財餓

鬼。

【有財釋】（術語）又曰多財釋。六離

合釋之一。*Kaluvirūṣaṃsā* 見六離合釋

條。

【有流】（術語）有者三界之果報。流

者四種之惑。三界之果報實有。故云有。四種

之惑使人漂流。三界之生死海。故云流。四流

者一見流、二欲流、三有流、與今之有流異。

四無明流也。止觀一下曰、「橫截死海。超度

有流。」輔行一之四曰、「有謂三有。流謂四

流。於此三處。因果不亡。故名爲有。爲此四法

漂溺不息。故名爲流。見流、三界欲也。欲流、欲

界一切諸惑。除見及痴。有流、上二界一切諸

惑。除見及痴。無明流、三界痴也。」因四流中

之見流。見四流條。

【有海】（術語）指三界之生死而言。

有者果報之事（果報實有。故云有）。海者譬

生死之無邊。寶積經曰、「生死有海。苦哉痛

哉。」俱舍論一曰、「由惑世間漂有海。」頌

疏界品一曰、「由煩惱惑。令有情世間漂在

三有死海中。」

【有記法】（術語）善惡二法、其相顯

了、得記別當來之果相。故云有記法。卽有可

引異熟果表象之法也。見毘婆沙論五十一。

【有根身】（術語）謂眼耳鼻舌身之

五根。以身根總有他根故也。唯識述記三本曰：「身者總名。身中有根。名有根身。」

【有部】（流派）宗名。說一切有部之

略。小乘宗之一。梵名薩婆多。有爲無爲之一切法盡立爲實有。故云說一切有部。佛滅後三百年之初。於上座部中分立。見宗輪論述記。

巴 Bābhativāda 梵 Bārvāśivāda

【有部律】（經名）有部宗之戒律。又

作律書。十誦律。根本說一切有部毘奈耶等。

【有部尼陀那】（經名）根本說一切

有部尼陀那之略稱。

【有部目得迦】（經名）根本說一切

有部目得迦之略稱。

律攝之略稱。

【有頂】（界名）天名。色界之第四處。

本名色究竟天。此在有形世界之最頂。故稱

有頂。（此外無色界有無形之世界）有頂之有。如有唐有宋之有。法華經序品曰：「從阿鼻獄。上至有頂。」法華經義疏二曰：「長行云阿迦尼吒。（譯言色究竟天）今稱有頂

者。樓炭經云。阿迦尼吒。在有頂之頂也。」因無色界之第四處。非想非非想天也。是位於世界之最頂。故稱有頂。妙句解六曰：「非非想天。名爲有頂。是於三界有漏世間。極頂之故。」往生要集上本曰：「乃至有頂。輪迴無期。」梵 Akaniṣṭha 巴 Akaniṭṭha

【有頂天】（界名）見有頂條。

【有頂惑】（術語）謂有頂地之惑也。又云非想之惑。有頂地爲三界九地中之最上地。此地所起之惑。有見惑修惑之別。其中見惑。雖於見道一時斷之。而修惑則於修道先斷下八地之七十二品。次斷有頂之九品。中下八品。此名阿羅漢向。最後斷第九品。即

名阿羅漢果。蓋下八地之惑。以有漏欣上厭下之六行。觀得斷之。而此有頂之惑。則非無漏智不能斷。蓋以無漏智勢力牢強。能治自地之惑。及上地之惑故也。見俱舍論二十四

【有教】（術語）對空教之語。指小乘之俱舍宗。大乘之法相宗而言。一者在小乘而立諸法實有之義。一者在大乘而立唯識本有之義。依此而一者對於小乘之成實宗。一者對於大乘之三論宗。而稱爲有教。或有

【有教無人】（術語）謂唯有教道。而實際無行證之人也。天台一家。判藏教斷惑位。通教八地已上。及別教初地已上。爲有教無人。蓋藏通別之前三教。若約於行人稟教之邊言之。固爲有教有人。望當教之極果而進。然自因成果滿上論之。則先示之極果。恰如以空拳誑惑小兒。蒙因中被接之益。悉接入於後教。無實證當教之極果者。摩訶止觀

【有教無人】（術語）謂唯有教道。而實際無行證之人也。天台一家。判藏教斷惑位。通教八地已上。及別教初地已上。爲有教無人。蓋藏通別之前三教。若約於行人稟教之邊言之。固爲有教有人。望當教之極果而進。然自因成果滿上論之。則先示之極果。恰如以空拳誑惑小兒。蒙因中被接之益。悉接入於後教。無實證當教之極果者。摩訶止觀

【有教無人】（術語）謂唯有教道。而實際無行證之人也。天台一家。判藏教斷惑位。通教八地已上。及別教初地已上。爲有教無人。蓋藏通別之前三教。若約於行人稟教之邊言之。固爲有教有人。望當教之極果而進。然自因成果滿上論之。則先示之極果。恰如以空拳誑惑小兒。蒙因中被接之益。悉接入於後教。無實證當教之極果者。摩訶止觀

【有教無人】（術語）謂唯有教道。而實際無行證之人也。天台一家。判藏教斷惑位。通教八地已上。及別教初地已上。爲有教無人。蓋藏通別之前三教。若約於行人稟教之邊言之。固爲有教有人。望當教之極果而進。然自因成果滿上論之。則先示之極果。恰如以空拳誑惑小兒。蒙因中被接之益。悉接入於後教。無實證當教之極果者。摩訶止觀

【有教無人】（術語）謂唯有教道。而實際無行證之人也。天台一家。判藏教斷惑位。通教八地已上。及別教初地已上。爲有教無人。蓋藏通別之前三教。若約於行人稟教之邊言之。固爲有教有人。望當教之極果而進。然自因成果滿上論之。則先示之極果。恰如以空拳誑惑小兒。蒙因中被接之益。悉接入於後教。無實證當教之極果者。摩訶止觀

【有教無人】（術語）謂唯有教道。而實際無行證之人也。天台一家。判藏教斷惑位。通教八地已上。及別教初地已上。爲有教無人。蓋藏通別之前三教。若約於行人稟教之邊言之。固爲有教有人。望當教之極果而進。然自因成果滿上論之。則先示之極果。恰如以空拳誑惑小兒。蒙因中被接之益。悉接入於後教。無實證當教之極果者。摩訶止觀

三下曰、「別教因中有教行證人。若就果者，但有其教，無行證人。何以故？若破無明，登初地時，即是圓家初住位，非復別家初地位也。初地尚爾，何況後地後果。故知因人不到於果故，云果頭無人。」是即說別教之有教無人。維摩玄疏四，亦出藏通二教之說。

【有習】（術語）習者習氣，謂煩惱之氣分。對於無明之語而云有習。

【有貪】（術語）上二界之貪煩惱也。有者上二界之定，及其依身。於上二界常起定貪多於內門而轉，故立此名。外道於上二界起解脫之想，故爲遮之而立此名。見俱舍論十九等。梵 *Bhāvarāga*

【有貪心】（術語）與貪相應及貪所繫屬之心也。不與貪相應之餘善心及無覆心，名爲離貪心。見俱舍論二十六。

【有執受】（術語）如屬於吾身分之四大，爲己心識所執持者，謂之有執受。如身

體外之事物，不然者，謂之無執受。俱舍論一曰、「聲唯八種，謂有執受，或無執受。大種爲因。」同二曰、「有執受者，此言何義？心心所法，其所執持，攝爲依處，名有執受。」

【有間】（術語）對於無間而言。問者問難，又問隔之義。即餘心互相間雜，或有時問及空問之間隔也。往生論註上，所謂有間心，選擇集上，所謂修難行者，於阿彌陀佛，憶念常間斷，故名有間，皆有時間間隔之意者也。

【有爲】（術語）爲者造作之義。有造作，謂之有爲。即因緣所生之事物，盡有爲也。能生之因緣，是造作所生之事物者，所生之事物，必有此因緣之造作，故云有爲法。本來自爾而非因緣所生者，謂之無爲法。故有爲者，如言有因緣。大乘義章二曰、「爲是集起造作之義。法有爲作故，名有爲。」俱舍論光記五曰、「因緣造作名爲色心等法。從因緣

生，有彼爲故，名曰有爲。」俱舍論頌疏界品一曰、「爲者作也。此有爲法，衆緣造作故名爲有彼爲故，名爲有爲。」梵 *Asamskṛta*

【三有爲法】（名數）一色法，質礙之法。小乘俱舍，五根、五境，無表色之十一法也。大乘法相，五根、五境，法處所攝色之十一法也。二心法，慮知之法。俱舍心王一與心所法四十六之四十七法也。大乘心王八與心所法五十一之五十九法也。三非色非心法，俱舍不相應法之十四法也。大乘不相應法之二十四法也。此三聚皆有因緣之爲作，故名有爲法。見大乘義章二。

【四有爲相】（名數）生住異滅之四者，此有二種。一一期四相，法之初有名生，生已而相似相異名住，此相續之轉變名異，後無名滅。二剎那生滅，謂一剎那中具四相也。此有大小乘之別。大乘法相宗謂色心之法體，自有生住異滅四相之變化。即言四相者，

以其變化分位而名之假法也。本無今有之位名生。生位暫停之位名住。住別前後之位名異。無位名滅。此中前三者爲有，故同在現在。一爲無，故在過去。（唯識述記二末）小乘有部立色心之法體爲恒有，故其生滅之變化隨用而說，不據於體。且離法體別有四相之實性，以使彼心身之作用，生住異滅。故色心之法名爲所相，四相名爲能相。使先無之色心作用爲今有，名爲生相。使其作用暫時安住，引其自果，名爲住相。使其自果之作，用衰變，名爲異相。使其作用遂滅壞，名爲滅相。而此生等四相既是爲法，則必別有生等四相。若果有之，則以彼亦應有其餘之四相，而有無窮之失。因之四相有本相隨相之二者，隨相以生本相，本相有八能，隨相有一能，互爲能生所生，故隨相之外更無隨相，即無無窮之失。如色法之生，有九法俱起。一是本法，色之自體作用也，使此色之自體作用

生之法爲本生相，使色之自體作用住之法爲本住相，使色之自體作用異之法爲本異相，使色之自體作用滅之法爲本滅相。（此爲四本相亦曰四大相）合爲五法，本生相不能自生，更有隨生相生本生相，乃至本滅相不能自滅，更有隨滅相滅本滅相。（此爲四有相亦曰四大有相）合爲九法，此九法中本生相除自而生餘八法，乃至本滅相除自而滅餘八法。又隨生相唯生本生相，而不能生自餘之八法。（自與他之七法）乃至有滅相但滅本滅相，而不能滅自餘之八。（自與他之七法）此之謂於八一有能，即四本相各對八法有能，四隨相各於一法有能，互爲能生所生，故更無無窮之失。俱舍論五曰：「此有生等，於八一有能。」

【三有爲相】（名數）經中說四有爲法，又說三有爲相，三有爲相者，一生相，二住異相，三滅相也。此中第二之住異相，俱舍論

有二說，一者謂住者異之別名也，住必有異，故異相謂之住異相，非住與異之二相。佛說生異滅之三相者，欲於三世遷流之相，使有情生厭畏也。生者引未來之法，使流入現在，異與滅者，使其衰異及壞滅而流入過去也。猶如見有三怨敵居於人之稠林，一自稠林牽出之一，使衰其力，一壞其命根。住相者於法安立，人不厭畏之，故於有爲相中不說之。又無爲法有自相之住，住相濫於彼，故不說之。二者謂住異相者，住相與異相合之而說也，所以然者，住是有情之所愛處，欲使厭捨之，故與異合說，如說黑耳與吉祥俱也。見唯識述記二末，俱舍光記五。

【有爲轉變】（術語）謂有爲法生住異滅，常轉變也。華嚴演義鈔二十一曰：「難集論云：若法有生住異滅，可名有爲。」生住異滅即轉變之相也。

【有爲無常】（術語）謂有爲法轉變